

# ՀՀ ԳԱԱ նախագահությունում

Լսելով ՀՀ ԳԱԱ Բյուրակահի Կ. Գ. Հանքարծույանի անվան աստղադիտարանի տնօրենի պաշտոնակատար Հ. Հարությունյանի հաղորդումը աստղադիտարանի զարգացման հեռանկարների ու հիմնախնդիրների վերաբերյալ, ելույթներն այդ կապակցությամբ, նախագահությունը հավանություն տվեց ներկայացված նախագծին և նշեց, որ Բյուրակահի աստղադիտարանը հանդիսանում է հանրապետությունում աստղաֆիզիկական հետազոտությունների հիմնական կենտրոնը:

Նախագահությունը նշեց նաև, որ աստղադիտարանի առջև ծառայած են տարաբնույթ դժվարություններ՝ աստղադիտակների պրոֆիլակտիկայի ցածր մակարդակը և հատկապես դրանց հայելիների այլումինային ծածկույթների հնացածությունը, ինֆորմացիայի աղբյուրների, մասնավորապես, նոր գիտական հանդեսների պակասը, էլեկտրոնային կապի ոչ բավարար արագությունը ու ցածր թողունակությունը, աստղադիտարանի տարածքի անպաշտպանելիությունը, երիտասարդ կարգերի պակասը: Կազմակերպչական դժվարություններ են առաջանում նաև տրանսպորտային միջոցների հնացածության, աշխատասենյակների ջեռուցման բացակայության, շենքերի տանիքների քայքայվածության և այլ պատճառներով:

Հաշվի առնելով վերոնշյալը, ՀՀ ԳԱԱ նախագահությունը որոշեց.

1. Հանձնարարել ՀՀ ԳԱԱ ԲԱ-ին (տնօրենի պաշտոնակատար Հ. Հարությունյան) երկու ամսվա ըն-

թացքում ներկայացնել գիտական թեմատիկայի մասնաձև ծրագիր՝ նշելով այդ ծրագրի արդիականությունը ու իրականացման հնարավորությունները:

2. Հանձնարարել ՀՀ ԳԱԱ ԲԱ-ին (տնօրենի պաշտոնակատար Հ. Հարությունյան) և ՀՀ ԳԱԱ ԻԱՊԻ-ն (տնօրեն Յու. Շուքուրյան) ներկայացնել առաջարկություններ աստղադիտարանի էլեկտրոնային կապի որակը բարձրացնելու վերաբերյալ:

3. Հանձնարարել ՀՀ ԳԱԱ ԲԱ-ին և ՀՀ ԳԱԱ գործերի կառավարչությանը (կառավարիչ՝ Է. Գևորգյան) առաջարկություններ ներկայացնել աստղադիտարանի գազաֆիլացման, ջեռուցման համար կաթսաների ձեռքբերման և տեղակայման, աստղադիտարանի տարածքը պարսպապատելու և տանիքները վերանորոգելու վերաբերյալ:

4. Հանձնարարել ՀՀ ԳԱԱ ԲԱ-ին և ՀՀ ԳԱԱ ֆինանսական վարչությանը (պետ՝ Ս. Լաչինյան) աստղադիտարանի զույգագրումն ավարտելուց անմիջապես հետո, ներքին ռեսուրսների օգտագործման արդյունավետությունը բարձրացնելու նպատակով, առաջարկություններ ներկայացնել աստղադիտարանի հաշվեկշիռ անօգտագործելի նյութական արժեքներն օտարելու և առավել ամրաժեշտ աշխատանքների իրականացման նպատակով գումարներ հայթայթելու նպատակով:

ՀՀ ԳԱԱ նախագահությունը սույն որոշման կատարման հսկողությունը դրեց ՀՀ ԳԱԱ փոխպրեզիդենտ, ՖԱՏԳ բաժանմունքի ակադեմիկոս-քարտուղար Յու. Շուքուրյանի վրա:



Տեղի ունեցավ Գիտությունների ազգային ակադեմիայի նախագահության հերթական նիստը:

Նախագահությունը լսեց ՀՀ ԳԱԱ պրեզիդենտ, ակադեմիկոս Ֆարեց Սարգսյանի ինֆորմացիան կառավարական պատվիրակության կազմում Ուկրաինա կատարած այցի մասին: Պատվիրակության կազմում էր նաև փոխպրեզիդենտ, ակադեմիկոս Յու. Շուքուրյանը: Ինչպես նշեց Ֆ. Սարգսյանը, Ուկրաինայում ձեռք են բերվել նոր պայմանավորաժողովներ՝ երկու երկրների ակադեմիաների գիտական համագործակցության էլ ավելի ընդլայնման և զարգացման մասին:

Նախագահությունը հաստատեց Գիտությունների ազգային ակադեմիայի բաժանմունքների բյուրոների կազմերը և ԳԱԱ բաժանմունքներին առընթեր գիտական խորհուրդների նախագահներին:

Նախագահության նիստում հաստատեցին ՀՀ ԳԱԱ գիտական հանդեսների գլխավոր խմբագիրները: ՀՀ ԳԱԱ նախագահությունը միաձայն որոշում ընդունեց ակադեմիայի բաժանմունքներին առընթեր գիտական խորհուրդների կանոնակարգի մեջ լրացում մտցնելու մասին:

ՀՀ ԳԱԱ նախագահության օրերս կայացած նիստը որոշեց վերակառուցել Ակադեմիայի Լրատվական ծառայության կարգավիճակը:

Քննարկելով ՀՀ ԳԱԱ միջազգային գիտակրթական կենտրոնի կազմում գործող գիտալրատվական ծառայության գործունեությունը, նրա առջև ծառայած բազմաբնույթ խնդիրները, ԳԱԱ նախագահությունը որոշեց լուծարել ՀՀ ԳԱԱ միջազգային գիտակրթական կենտրոնի կազմում գործող գիտալրատվական ծառայությունը և ստեղծել ՀՀ ԳԱԱ նախագահությանը կից լրատվական ծառայություն, ՀՀ ԳԱԱ փոխպրեզիդենտ, ակադեմիկոս-քարտուղար Է. Ղազարյանի գլխավորությամբ:

Հանձնարարվեց փոխպրեզիդենտ, ակադեմիկոս-քարտուղար Է. Ղազարյանին ՀՀ ԳԱԱ բյուրոյի հաստատմանը ներկայացնել լրատվական ծառայության հաստիքացուցակը և կանոնակարգը: